



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita B. Francisci Salesii, Episcopi Et Principis Gebennensivm Meritissimi

Maupas du Tour, Henri Chauchon de

Coloniæ Ubiorum, 1663

Cap. II. Parochos constituit: Orationes horarum quadraginta indicit: Cruces
ad Gebennæ muros postliminiò erigit.

urn:nbn:de:hbz:466:1-42882

cula, ajebat Sanctus Gregorius: meritóque dictabat Sanctus Joannes Chrystostomus, Qui semel pudoris & verecundiæ fines transilierit, eum ferè sensum amittere paulatim rerum omnium, quæ ad vitam alteram pertineant: nec leni correptione flectitur, nec minis cedit, nec devincitur beneficiis: malitia illius extrema est *Frons mulieris meretricis facta est ei: [o] nescit evadere.*

(o) Jerem. 3.

CAPUT II.

Parochos constituit, Orationes horarum quadraginta indicit; Cruces ad Gebenne muros postliminiò erigit.

Cùm in dies grex cresceret, partium suarum existimavit gnavus Paterfamilias, non ovibus tantùm sed etiã Pastoribus prospicere. Poscit ab illustissimo Episcopo Gebenneñsi, Sacerdotes tum seculares tum Religiosos, illis Parochiarum curam proventusque traditurus, hos ad ministerium verbi Dei adhibiturus. Neutrum sine summâ difficultate fieri potuit: nam qui primi Parochi constituti, iis vix suppeditare potuit unde alerentur, freudentibus de more hæreticis, Catholicosque tenues & accisis opibus egètes oppugnãtibus acciter: cùmque obstinatè in suscepto semel errore cæcutirent Calvinistæ potentiores, nec ad lumen quod ab Apostolico Viro ultro ingerebatur, aperirent oculos; Parochos Adesque sacras tanquam onus Æternæ gravius detrectantes, nihil tam av-

bant, quàm Pastores inediã confici: & penè voti
 compotes facti essent, nisi valdè parvo contenti
 tum ii, tum Franciscus ipse durasset: illã se interim
 consolatione sustentans, sic prorsus actum fuisse
 cum primis illis Evangelii profeminatoribus, sibi-
 que illud propriè canens, quod de se paulò antè
 S. Carolus usurpaverat: *Ego in domo Dei mei sume tan-
 quam canis, cui pauxillum panis tribuitur, pauxillum aquæ,
 pauxillum paleæ ad cubandum.* Nec destitit tamen
 propterea: omnibus iis difficultatibus superatis,
 Patochos sex constituit, quæque animo conce-
 pta habebat alia, perfecit, opus Dei utique pera-
 gens: laboresque & ærumnas, & discrimina pro ni-
 hilo reputans, non modò nihil cessit, sed etiam in-
 dicendam, curavit solennem Orationem horarum
 quadraginta, tum ad filios in Christo suos solan-
 dos, roborandósque; tum ad cœlestè protectionē
 impetrandam operi sanè arduo quod moliebatur,
 ut haud procul Gebennã salutare vivificæ Crucis
 signum defigeret. Eam in rem transegit cum To-
 nonensibus orthodoxis, ut Crucem idoneæ ma-
 gnitudinis deferri curarent ad pagum Damnasiũ,
 leucas quinque Gebennã distantem; quo in pago
 eorum adventum oppetiebatur Illustrissimus E-
 piscopus Gebennensis, unã cum sodalibus S. Cru-
 cis, qui eodem se contulerant omnes in veste pœ-
 nitentium, nudis pedibus, quasi cuncta concurre-
 rent ad insigne ornamentum illud Ecclesiæ resti-
 tuendum. Nimirum *Christus Dominus pati venit: sed
 et glorificari; inquit S. Augustinus [a] contemni, sed
 etiam exaltari: mori, sed etiam resurgere: opus te terret,*

mer-

[a] De verbis Domini, c. 12.

mercedē vide. Ergo Cruces quas pridem hæreticorū furor deturbaverat, tunc postliminiò orthodoxorum illorū pietas reposuit: quasi redirent secula illa prima Ecclesiæ, quo tempore ubique defigebantur. At Gebennenses furore perciti, satellites præmisere armatos, qui ipso in itinere cōventum adventantium orthodoxorum disturbarent, quos contemptim prætergressus Franciscus, fretus Deo, cum suis porrò perrexit, dum ad designatum locū perventum esset, illud secum Psalmographi revolvens: (b) *Manus mea auxiliabitur ei, & brachium meum confortabit eum.* Ubi cuncti convenerunt, Sacrum facit Pontificali ceremoniâ Illustrissimus Episcopus, Musica Symphonia ad modos concinente Jesu Christi Vindicis mortalium laudes, cujus ipsius corpus augustissimum è sacro pegmate in Altari adorandum proposuit. Secundùm Missam, verba ex suggestu facit de dignissimo argumento Ecclesiastes noster exultante concione, cujus animos tantâ luce illustravit, tantâ suavitate complevit, ut postquam copiam illam immensam utilitatum commoditarumque didicerant, quam Jesus Christus in sacrâ Eucharistiâ publicæ fidelium suorum venerationi expositus conferre consuevit, conveniret undique plebs pia turmatim, ab iis accersita, qui fructuosissimam orationem auribus primùm hauserant suis: tum hi autem tum illi incredibili consolatione delibuti, admirantēque quæ tunc primùm audierant, solvebantur in lacrimas, quas vel gaudium eliciebat, vel intimus dolor de offenso Deo: atque adedò contestaban-

(b) *Psal. 88.*

tur universi se vitam moralesque conformatos
deinceps in melius, & præclaras illas sanctasque
cerimonias Ecclesiæ in perpetuum veneraturos.
Neque sanè immeritò: quàm enim consentaneum
est, cerimoniis uti certis, statisque, ad colendum
Deum magnificentius? *Quid vilius* (ajebat S. Au-
gustinus (c) in hanc sententiam) *in corpore tuo ca-*
pillis tuis? quid contemptius? quid abjectius? Et tamen si malè
te tondeat, irasceris tonsori, quia in capillis tuis non servat
equalitatem: Et tu in membris Christi non tenes unitatem?
Et paulò pòst: *Indignum Deo putas, cui ab omnibus quæ*
qui in eum credunt, in unitate serviatur? Ut ad propo-
situm revertamur, pium agmen amore exultans
& gaudio, eò tetendit, ubi collocanda Crux erat:
ductor & antesignanus Franciscus, et ipse incredi-
bili lætitiæ sensu gestiens, secundùm solennem Ec-
clesiæ Hymnum de Cruce, (d) modulatè decanta-
tum, hortationem habuit ad circumstantes, de in-
finito pretio atque dignitate arboris vivificæ, de
qua præcelsum quendam in modum sentire quis-
que debeat; & de more, audientium animos pror-
sus ad se convertit & rapuit. Tum, ut obviam iret
impiis hæreticorum cavillationibus, Cruci eidem
affigi curavit lamellam ex ferro albente, quod vo-
cant, cum hoc elogio: *Non in Cruce lapidem lignumve*
adorant Catholici, sed Deum; qui dum in Cruce vitam
posuit, dignam eam reddidit que adoraretur.

CA-

(c) *Tractat: 10. de diversis. cap. 6.* (d) *Vexilla Regis*
prodeunt t.